


**Mlara President  
Henry B. Eyring**  
Kot el Counselor er a  
First Presidency



# Ng Kol Mo Uangerang a Deuil a Rengum

**N**g kesai a kemanget el deoueng ra klengar sel modengei el kmo ke mla ngosuterir a rebebil el nguu a mla moluut el ebangkelio ra Jesus Kristo el mora rengrir. Tial deoueng a techall el mora rebekel chedal a Ikelesia. Sel demetecholb e kede sosieb ra telbiil el kmo kede mo “dechor el sioning ra Dios ra rokui el taem, ma rokui el tekoi, ra rokui el basio el debor ngii el mo lmuut ra kodall, me bo de mosobel ra Dios, e bo dulcherangel lobengterir tirkel mekiis ra kot el okiis ra kodall, me bo denguu a diak a ulebengelel klengar” (Mosiah 18:9).

A rokui el chedal a Ikelesia a ulsiseb er sel ngerachel el mo nguu a ebangkelio ra Jesus Kristo el mora beluulechad, ra ngii dil basio el tir a kiei er ngii. A Rubak a milketeklii el kmo: “Maleuaisei, ea kudureklemiu el mo ouchais e omeklatk ra rechad, me ngkel mla muklatk a mo kirel lomeklatk ra tonari er ngii” (D&C 88:81). A remecherrungel el misionari a ngarnyii a klisichir el oli-sechakl er tirkel dirkak bol chad ra Ikelesia. Ea rechad ra Ikelesia a ngarnyii a klisichir el osiik er tirkel tir a Rubak a mla kudmekelterir el bo lolisechakl er tir a remisionari.

Ng kired el mo ultuil ra klaumerang er kid el Rubak a mla kudmekelterir a rechad el tir a iiliuekl er kid el mo mosisechakl. Ngii a medengei el kmo te ruatechang e oingerang ete mo kldmokl, e solang e Ngii a mo omekrael

er kid el mor tir lokuu a klisichel Chedaol Reng e meskid a tekoi el dousbech el siotai er tir el mo mosisechakl. Sel telbiil el Rubak a milsterir a remisionary er sera 1832 a dirrek el telbiil el Ngii a meskid el kirel a ngercheled el osiik ra rechad el kldmokl el kirel osisichelkir a remisionari. Ngii a dilul kmo “Ng mo msang Ongelaod, el mo osisicheklii ra klemerang ma rael el bo loeak ngii, ea lsekum eng blak a rengul eak mo msang a chachisois el klengeltengat” (D&C 79:2–3).

E tial telbiil el kirel a deoueng el mora re blak a rengrir el misionari a dirrek el mei er kid el blak a rengud el chad ra ikelesia el ngmai a rengud el kirel a ureor ra misionari.

“Ma chelechang, ea lsekum eng mo dmeu a rengum el kirel a chimol chad el mnguu el mora rengedel a Chedam, eng kol uangerang el deoueng a denguu alsekum kede ngoiteterir a rebetok el chad el mo er ngii!

“Ele, tiakid ebangkelio er ngak el mobang, ma beduk, ma diak a ulebengelel klengar ngak.

“Molengit ra Chedam lobang ngklek, el ngara klaumerang el kmo komo ngmai, ea Chedaol Reng a mo obengkemiu, el ngii olecholt a rokui el tekoi el mora rengelekel a chad” (D&C 18:16–18).

A ongingil Chedaol Reng el ngosukid el mo mede-ngerterir e siotai er tirkel kldmokl el mo mosisechakl,

ea Rubak a mla mekedongeterir e osiscekelerir a remerredel el mo omekrael er kid. Chelsel sel babier er sera February 28, 2002, ea First Presidency a chilsii a ngerachel el kirrel a ureor ra remisionari el mora rebisop ma ward.<sup>1</sup> Me ngokiu a ngesou ra ward ma branch, ea rengara chelechad ra priesthood a kildmeklii a moktek el kirel a ureror ra misionari. Chelsel tial moktek a uldasou el kirir a rechad ra ikelesia el kmo te mekerang e osiik er tirkel mla mo kldmokl el mo mosisechakl ra remisionari. Ngarnгии a chad el mokedong el mo oungerachel a ward ma branch. Ngkal chad a kmal ungil oureor lobengterir a remecherrungel el misionari me tirkel chad el dirk osiik.

Ngarnгии a teletael eng mo sebechem el mo ungil kudmeklii a ngerchelem el osiik ra rechad el mo mosisechakl ra remisionari. Sel kot el betengel a kmal ungil.

Moluluuch ma Chedaol Reng bo lomekrael er kau. Mongedecheduch ra roungerachel ma remisionari, loker a teletael el ngii a mo ngosukau e dirrek el myaksok el kmo ke mo olngeseu. Momeksemeriar tirkel mdak el meruul er tial ureor. E bom sioning ra rokui el taem ra ikel molekoi ma omoruul el kmo a Jesus a Kristo ea Dios onger a nglunguuch.

A kuuchais el kmo a Chedaol Reng a mo mekrolau el mor tirkel tir osiik ra klemerang sel moluluuch e moureor el kirel tial ulekrael. Eak kmal medengei el kmo a deuil a rengum a mo kemandget lobengterir tirkel ngiltii ebangkelio el mora rengrir e outekangel el ngara klaumerang el mora ulebongel.

#### ULEKLATK

1. Mesang a “News of the Church: Ward and Branch Missionary Work Emphasized,” *Liahona*, Aug. 2002, 4.

### OSISCHEKLEL TIAL KLUMECH

- *Teaching, No Greater Call* a osiscekliid el mo omeksemeriar tirkel dolisechakl er tir el mo kudmokl a moktek el ngosuterir el mo oltirakl osisechakl el blal suub (mesa llel a babier 159). Mobengkel tial telungalk, e momdasou a klengeltengat ra ureor ra misionari el blal dung a President Eyring ea, omolchesuar, e msiotai ra telungalk el mo kudmokl a moktek el mo omerk ra ebangkelio.
- Mobengkel tial telungalk e momdasou a teletael el kirel a osisckelel ebangkelio, el melbedebek ra

tekingel a President Eyring el kmo “sel kot el betengel a kmal ungil.” A omesubel a kakerous el uldasou, e mesang a *Teaching, No Greater Call*, llel a babier 160.

## NGEASEK

### Rebetok el Misionari ra Klengar er Ngak

Mlara Elizabeth S. Stiles

S el kot el Sandei el ngak a mlora ikelesia lobengterir a remisionari, eak dilengcheterir a rechad el mlukeroul lobengterir e mle medengeterir ra beluu. Ak milsang a tara kmal sechelik ra skuul, ma melchesel a skuul ra elementari ma high skuul, ma redil el ngii a kora dimlak el sal ungil a blekerdelek el mor ngii ra ngara mong, ma ngeasek el sechal el tara taem ea kullengamech er ngii.

Derstang er tirkal chad a kmal ngarnгии al rirellii er ngak. Ngkal kmal sechelik a ngeasek el dil el kmal ungil a blekerdelek, me ngii a uchul eak millemolem el osiik e mesuub ra Ikelesia. Ngkal melchesel a skuul el mle medengelkak a ngilsukak el mo medengei el kmo ng klou a belkuk. Ak mlo medengeli a dmolech e bliochel el beltik el reng er ngikal ngeasek el redil el ngii a milchulak el diak el iior ra mle mekngit el blekerdelek el mor ngii ra ngara mong. Ngkal kullengamech er ngii el chad a ulechotii a ungil okesiu, mak milsang a llomes er ngii e rirellak el mo soak el ngara bitar ngii.

Aikal teletael a ngilsukak el mo medengei el kmo, rucheii ra bo kudengelterir a remisionari, a Chedam ra Babeluades a mla kudmeklak el mo mesuub ra ebangkelio lokiu a rechad el Ngii a ngiltiterir el mei er bitar ngak. Tiaikid e ngak a mlo medengei el kmo aikel mekekerei el tekoi el doruul a klou a lerelii. E sel kmal klou a belkul, eak mla mo medengei el kmo a ureor ra misionari omuchel er ngak.

## RENGALK

### Ebangkelio—Sengk el Domerk er Ngii

A tekoi el *ebangkelio* a belkul aikel rokui el osisechakl ma chedaol ruoll el bla dengai ra Jesus Kristo ma reprofet er Ngii. A ebangkelio a uaia sualou el mui ra sengk ra Chedam ra Babeluades. Kau a sebechem

el oingeseu el merous aikal sengk el mora rechad. Ng techang a sebechem el omerk ra sengk ra ebangkelio el mor ngii?

Mchuiiu aikal bades e mluches a tekoi malechub a sunga ra bebil ra sengk el ngii a ngara ebangkelio.

1. Jakobus 5:14–15
2. Mosiah 16:6–7

3. 3 Nephi 18:1–10

4. D&C 20:72–73

5. D&C 33:16

6. D&C 89:4, 18–21

7. D&C 132:46

8. D&C 137:10

9. D&C 138:32–34



Klaumerang • Telungalk • Ngesou

# Olutel a Rokui el Tekoi

*Mosuub er tial klumech, ea di lungil, e msodii lobengterir a rodos el moldingel er tir. Mousbech aikel ker el smisicheterir a rodos e dirrek el rullii a Relief Society meng mo klou a belkul er a klengar kau.*

**A** Profet Joseph Smith a kil-dmeklii a Relief Society el klou el telengtengil a Ikelesia. Me kemam el ngara omerredel, meng somam el ngosukemiu el mo medengei el kmo ngera uchul ma Relief Society a klou a belkul ra klengar kau.

Kede medengei el kmo chelsel a Beches el Renged e tirkel redil a ulehotii a klaumerang er tir ra Jesus Kristo e ulengeseu ra Urerel. Lukas 10:39 ouchais el kirel a Maria, el ngii, a “dilengchokl ochil a Jesus, e orrenge a tekingel.” Ea Johanes 11:27 ea Martha a sioning ra Kristo: “Ng dilung er ngii, Oi, e Rubak: A kuumerang el kmo kau a Kristo, el Ngelekel a Dios, el mei ra beluulechad.” Rrellir 9:36, 39 a mesaod el kirel a “tal chad el Tabitha ngklel, . . . el mui ra ungil lomeruul. . . . Me tirkal rokui el mla melakl el redil a mle dechor . . . lomes aikal bail el ngii a mla remuul.” A Phebe, ra Rom 16:1–2, a mle “mesiungel a ikelesia” e “ulengeseu ra rebetok el chad.”

Tial teletael ra klaumerang, olechotel a klaumerang, ma omesiou a melemolem ra chelsel a Ikelesia ra uriul-kebesei e mlo ulterekokl lokuu a kedmeklel a Relief Society. Julie B. Beck, merredel ra cherrengel a Relief Society, a ulisechakl

el kmo: “Meng diuaia Osobel el mle siotai ra Maria ma Martha ra chelsel a Beches el Renged el mo meruul a Urerel, ea redil er chelechal taem a mla mokedong el mo meruul a urerel a Rubak. . . . A cheldellel a Relief Society ra 1842 a mlo uchul a uldak el klisichir a redil ma ulterekokl el ngerchelir el kirel okedecherul a rengedel a Rubak.”<sup>1</sup>

Kede kudmokl a ngercheled sel domdasou ra moktek ra Relief Society: el mo melisiich a klaumerang ma llemalt ra derstang el chad, melisiich a telungalk ma blai, e osiik e olngeseu ra remechebuul.

A kuuchais el kmo a Relief Society a milkedmokl lultuil ra chedaol teletael el olngeseu ra ureor el kirel a diak a ulebengelel klengar. A derstang el odos ra Relief Society a klou a ngerchelel el kirel okedmeklel tial chedaol ureor.

*A Silvia H. Allred, kot el counselor er a cherrengel omerreder er a Relief Society.*

## Ngara Chedaol Llechukl

Joel 2:28–29; Lukas 10:38–42; Efesus 1:10

## Ngara Reksi er Kid

Sister Julie B. Beck a ulisechakl el kmo “kede medengei lokuu

a Profet Joseph Smith el kmo a Relief Society a mle telengtengil tial Oluut.”<sup>2</sup> A teletelel oluut a ulemuchel lokuu a Kot el Ues ra rak ra 1820 e millemolem el “derstelekib, el osisechakl” (D&C 98:12). Sera lemechederder a Relief Society ra March 17, 1842, ea Profet a ulisechakl ra redil el kirel a klou el ngerchelir ra chelsel olutel a Ikelesia. Ng dilul kmo, “A Ikelesia a dimlak bol cherrungel a cheldellel alsekum eng diak el mekedmokl a cheldellir a redil.”<sup>3</sup>

### ULEKLATK

1. Julie B. Beck, “Kudmeklii a Moktek ra Relief Society,” *Liahona*, Nov. 2008, 108.
2. Julie B. Beck, “Kudmeklii a Moktek ra Relief Society,” 108.
3. *Teachings of Presidents of the Church: Joseph Smith* (2007), 482.

### Ngara Sebechek el Rullii?

1. Ngara el ngesou ak besterir a rodos er ngak er chelechal buil el okesiul a klaumerang er tirkel redil el ultirakl ra Jesus Kristo?
2. Ngara el osisechakl ra mla moluut el ebangkelio a kusuub eng smisichii a klaumerang er ngak er chelechal buil?

A Imuut el bebil er a omesodel, e bora [www.reliefsociety.lds.org](http://www.reliefsociety.lds.org).